

Zeitschrift: Il glogn : calender dil pievel : annalas per historia, litteratura e cultura romontscha
Band: 12 (1938)
Artikel: [Poesias]
Autor: Fry, Carli / Lumbriser, Ludivica
DOI: <https://doi.org/10.5169/seals-881209>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 22.01.2025

ETH-Bibliothek Zürich, E-Periodica, <https://www.e-periodica.ch>

Sut il fegliom . . .

*Gl'atun ha curclau la senda
Cun in tapet tut gagl.
En vivas colurs resplenda
La feglia che fa termagl.*

*Jeu mon per la via flurida,
E mon sco sin vali,
Cheu sent'jeu ina punschida
Sco'l miers ded in cunti:*

*Sut il fegliom zuppada
Stev'ina siarp a laghetg —
Ei forsa la vi'ornada
De tia vet' a gartetg,*

*Miu cor, lu mai cupida,
Pinad'ei la murdida!*

Sur Carli Fry

Il mund en bellezia

*Audas co gl'utschi cantina
En la roma dil tscharschèr?
Vesas co il vent carsina
Leu las spigias sin igl èr?*

*Audas co il zen giavina
Giud la tuor da bi miezdi?
Vesas co gl'affon camina,
Cun flurettas fa tschupi?*

*Audas co tschallata l'unda
Sur ils grugns dil legher dutg?
Flurs salidan giud la spunda
En ils orts e sper il trutg.*

*Tut la tiara embellida,
Tut il mund en fluriziun,
Lauda tei, o benedida
Mumma della scafiziun.*

*Pia, cara mumma, mira
Giu sils cors viers tei alzai:
Nossa fin e nossa mira
Ei de star cun tei beai.*

Ludivica Lumbriser